

白氏文集

廿七





子賓客  
日陽賜開  
四男賜紫  
五真袋白  
石易

白氏文集卷第六十一

銘誌贊序祭文記辭傳 凡十八首

酒功贊 并序

唐故武昌軍節度使元公墓誌銘 并序

序

唐故虢州刺史崔公墓誌銘

唐故漂水縣令白府君墓誌銘 并序

序洛詩

畫彌勒上生幘贊 并序



繡西方幘贊 并序

祭崔相公文

祭崔常侍文

磐石銘

東林寺白氏文集記

聖善寺白氏文集記

唐故太子少保皇甫公墓誌銘

唐故祕書監贈禮部尚書張公墓誌銘

齒落辭

在第十卷

并序  
注七

醉吟先生傳

蘇州南禪院千佛堂轉輪經藏石記

蘇州南禪院白氏文集記

酒功贊 并序

晉建威將軍劉伯倫嗜酒有酒德頌傳於

世唐太子賓客白樂天亦嗜酒作酒功贊

以繼之其詞云麥麴之英米泉之精合作

爲酒孕和產靈孕和者何濁醪一樽霜天

雪夜變寒爲溫產靈者何清醕一酌離人

作合

有作

上音諱下音喬注也

論語八云子曰吾終不終於夜不寤以思無益果如

遷客轉憂為樂納諸喉舌之內淳淳泄泄  
醍醐沉澀淚諸心曾之中熙熙融融膏澤  
和風百慮齊息時乃之德萬緣皆空時乃  
之功吾常終日不食終夜不寢以思無益  
不如且飲

唐故武昌軍節度處置等使正議大  
夫檢校戶部尚書鄂州刺史兼御史  
大夫賜紫金魚袋贈尚書右僕射河  
南元公墓誌銘 并序

公諱稹字微之河南人六代祖巖隋兵部  
尚書封昌平公五代祖弘隋北平太守高  
祖義端魏州刺史曾祖延景岐州參軍祖  
諱怱南頓縣丞贈兵部員外郎考諱寬北  
部郎中舒王府長史贈尚書右僕射妣滎  
陽鄭氏追封陳留郡太夫人公即僕射府  
君第四子後魏昭成皇帝十五代孫也公  
受天地粹靈生而岐然孩而嶷然九歲能  
屬文十五明經及第二十四調判入四等

署祕省校書二十八應制策入三等拜左  
拾遺即日獻教本書數月間上封事六七  
憲宗召對言及時政執政者疑忌出公爲  
河南尉丁陳留太夫人憂哀毀過禮杖不  
能起服除之明年授監察御史使于蜀按  
任敬仲獄得獄情又劾奏東川帥違詔條  
過籍稅又奏平塗山甫等八十八家冤事  
名動三川三川人慕之其後多以公姓字  
名其子朝庭病東諸侯不奉法東御史府

獄存本  
元下

不治事命公分臺而董之時有河南尉離  
局從軍職尹不能止監察使死其柩乘傳  
入郵郵吏不敢詰內園司械繫人踰年臺  
府不得知飛龍使匿趙氏亡命奴爲養子  
主不敢言浙右帥封杖杖安吉令至死子  
不敢愬凡此者數十事或奏或劾或移歲  
餘皆舉正之內外權寵臣無奈何咸不快  
意會河南尹有不如法事公引故事奏而  
攝之甚急先是不快者乘其便相噪啖坐

左傳  
杖殺  
言真  
龍謂使

公專達作威黜爲江陵士曹掾居四年徙  
通州司馬又四年移號州長史長慶初穆  
宗嗣位舊聞公名以膳部員外郎徵用既  
至轉祠部郎中賜緋魚袋知制誥制誥王  
言也近代相沿多失於巧俗自公下筆俗  
一變至於雅三變至於典謨時謂得人上  
嘉之數召與語知其有輔弼才擢授中書  
舍人賜紫金魚袋翰林學士承旨尋拜工  
部侍郎旋守本官同中書門下平章事公

既得位方將行已志答君知無何有憮人  
以飛語構同位詔下按驗無狀上知其誣  
全大體與同位兩罷之出爲同州刺史始  
至急吏緩民省事節用歲收羨財千萬以  
補亡戶逋租其餘因弊制事贍上利下者  
甚多二年改御史大夫浙東觀察使將去  
同同之者幼鰥獨泣戀如別慈父母遮道  
不可遏送詔使導呵揮鞭有見血者路關  
而後得行先是明州歲進海物其淡蚶非

禮之味尤速壞課其程日馳數百里公至  
越未下車趨奏罷自越抵京師卸夫獲息  
肩者萬計道路歌舞之明年辯沃瘠察貧  
富均勞逸以定稅籍越人便之無流庸無  
逋賦又明年命吏課七郡人冬築陂塘春  
貯水雨夏溉旱苗農人賴之無凶年無饑  
殍在越八載政成課高上知之就加禮部  
尚書降璽書慰諭以示旌寵又以尚書左  
丞徵還旋改戶部尚書鄂岳節度使在鄂

至有之

均作切

三載其政如越大和五年七月二十二日  
遇暴疾一日薨于位春秋五十三上聞之  
軫悼不視朝贈尚書左僕射加賻贈焉前  
夫人京兆韋氏懿淑有聞無祿早世生一  
女曰保子適校書郎韋絢今夫人河東裴  
氏賢明知禮有輔佐君子之勞封河東郡  
君生三女曰小迎未笄道衛道扶齧齒一  
子曰道護三歲仲兄司農少卿積姪御史  
臺主簿某等銜哀喪事裴夫人韋氏長女

三日本三  
日家本

泉諸孤等號護齋翼以六年七月十二日  
祔葬於咸陽縣奉賢鄉洪瀆原從先宅兆  
也公著文一百卷題為元氏長慶集又集  
古今刑政之書三百卷號類集並行於代  
公凡為文無不臻極尤工詩在翰林時穆  
宗前後索詩數百篇命左右諷詠宮中呼  
為无才子自六宮兩都八方至南蠻東夷  
國皆寫傳之每一章一句出無脛而疾走  
於珠玉又觀其述作編纂之旨豈止於文

章刀筆哉實有心在於安人活國致君堯

活字

丁若咸反  
勿油也个走  
壘一郭  
形臺大愛  
右又詩云  
報声云

舜致身伊臯耳抑天不與耶將人不幸耶  
予嘗悲公始以直躬律人勤而行之則坎  
壘而不偶謫瘴鄉凡十年髮班白而歸來  
次以權道濟世變而通之又齟齬而不安  
居相位僅三月席不煖而罷去通介進退  
卒不獲心是以法理之用止於舉一職不  
布於庶官仁義之澤止於惠一方不周於  
四海故公之心不足也逢時與不逢時同

後舉字



得位與不得位同富貴與浮雲同何者時  
行而道未行身遇而心不遇也執友居易  
獨知其心以泣濡翰書銘于墓曰

嗚呼微之年過知命不謂之夭位兼將相  
不謂之少然未康吾民未盡吾道在公之  
心則爲不了嗟乎哉道廣而俗隘時矣夫  
心長而運短命已矣夫嗚呼微之已矣夫

唐故虢州刺史贈禮部尚書崔公墓

誌銘 并序

已矣夫  
有厚

唐有通四科達三教者曰惟崔公公諱玄  
亮字晦叔其先出於炎帝至裔孫穆伯受  
封于崔因而命氏漢初始分爲清河博陵  
二祖故其後稱博陵人曾祖悅洛州司戶  
參軍贈太子少保祖光迪贈贊善大夫考  
抗揚州司馬兼通事舍人贈太子少師妣  
太原王氏贈晉陽郡太夫人公即少師季  
子解褐補祕書省校書郎宣越二府奏授  
協律郎大理評事朝廷知其才徵授監察

上家本  
書元之  
從事有

轉殿中歷侍御史膳部駕部員外郎洛陽  
令密州刺史公既至密密民之凍餒者賑  
卹之疾疫者救療之皆骸未殯者命葬藏  
之男女過時者趨嫁娶之三月而政立二  
年而化行密人悅之發於謠詠換歙州刺  
史其政如密先是歙民畜馬牛而生駒犢  
者官書其數吏緣爲姦公既下車盡焚其  
籍孳息貨易一無所問先是歙民居山險  
而輸稅米者擔負跋涉勤苦不支公許其

計斛納緡賤入貴出官且獲利人皆忘勞  
農人便之歸如流水朝廷聞其政徵拜刑  
部郎中謝病不就俄改湖州刺史政如密  
歙加之以聚羨財而代逋租則人不困謹  
茶法以防黠吏則人不苦修堤塘以備旱  
歲則人不饑罷氓賴之如依父母入爲祕  
書少監改曹州刺史兼御史中丞謝病不  
就拜太常少卿遷諫議大夫屢上封章言  
行職舉上召對加金紫以獎之假貂蟬以

寵之未幾朝有大獄人心惴駭勢連中外  
衆以爲冤百辟在庭無敢言者公獨進及  
雷留危言觸鱗天威赫然連叱不去遂置笏  
伏陛極言是非血淚盈襟詞竟不屈上意  
稍悟容而聽之卒使罪疑唯輕實公之力  
既而真拜用旌忠臣絲是正氣直聲震耀  
朝右搢紳者賀皆曰國有人焉國有人焉  
公以爲名不可多取退不必待年決就長  
告徑遵歸路朝庭不得已途拜太子賓

唯作從  
用乍因  
相有之

客分司東都公濟源有田洛下有宅勸誨  
子弟招邀賓朋以山水琴酒自娛有終焉  
之志無何又除號州刺史蓋執政者惜其  
去將欲馴致而復用之大和七年七月十  
一日遇疾薨于號州廨舍天子廢朝一日  
贈禮部尚書周行士林聞者相弔宗族交  
友靡不出涕遺直遺愛公兼有焉烏呼公  
之將終也遺誠諸子爲其書大略云吾年  
六十六不爲無壽官至三品不爲不達死

爲家本  
元之

生定分何足過哀自天寶已還山東士人  
皆改葬兩京利於便近唯吾一族至今不  
遷我歿宜歸全于滏陽先塋正首丘之義  
也送終之事務從儉薄保家之道無忘孝  
悌吾玉磬琴留別樂天請為墓誌云爾  
夫人范陽盧氏先公而歿有子九人長曰  
煜通事舍人次曰翽言罕言舉進士次曰  
緩中牟尉其下皆幼稚煜等哀毀孝敬號  
護輜翣以九年四月二十八日用大葬之

事作禮

之九朝及葬也

禮歸窆于磁州昭義縣磁邑鄉北原遷盧  
夫人而合祔焉遵理命也公之丁少師憂  
也退居高郵其地卑濕泣血卧苦者三載  
因病痺其兩股焉逮于終身竟不能趨拜  
從祖弟仁亮竄謫巴南歿而後歸公先命  
長男煜護喪歸葬後命幼子聽繼絕承祧  
自宗族及朋執聞有死無所歸孤無所依  
者公或祭之葬之或衣之食之或婚之嫁  
之侯齊二家之類是也故閨門稱其孝群

歸元之

從仰其仁交遊服其義可不謂德行乎公  
幼嗜學長善屬文以辭賦舉進士登甲科  
以書判調天官入上等前後文集凡若干  
卷尤工五言七言詩警策之篇多在人口  
其餘製述作者許之可不謂文學乎公之  
典密歙湖也理化如彼可不謂政事乎居  
大諫騎省也忠讜如此可不謂言語乎公  
夙慕黃老之術齋心受籙伏氣鍊形暑不  
流汗冬不挾纊膚體顏色冰清玉溫未識

者望之如神仙中人也。在湖三歲歲修三  
元道齋輒有彩雲靈鶴迴翔壇上久之而  
去前後致齋七八而鶴來儀者凡三百六  
十其內修外感也。如此可不謂通於大道  
乎。公之晚年又師六祖以無相為心地以  
不二為法門每遇僧徒輒論真諦雖耆年  
宿德皆心伏之。及易簣之夕大怖將至如  
入三昧恬然自安仍於遺疏之末手筆題  
云。斲榮斲悴敲石火即空即色眼生花許

如

又

每

大

斬

時爲客今歸去大曆元年是我家其解空  
得證也又如此可不謂達於佛性乎摠而  
言之故曰通四科達三教者也居易不佞  
辱與公游者三十餘年年老分深定爲執  
友况奉遺札託爲斯文且慙鄙陋不敢辭  
讓銘曰  
滏水之陽鼓山之下吉日吉土載封載樹  
烏虜博陵崔君之墓

唐故漂水縣令太原白府君墓誌銘

銘誌

并序

公諱季康字某太原人秦武安君起之裔  
曹北齊五兵尚書建之五代孫也曾祖諱  
士通皇朝利州都督祖諱志善尚鑿奉御  
王父諱鱗揚州錄事參軍公即錄事府君  
次子歷華州下邳尉懷州河內丞徐州彭  
城令江州潯陽令宿州虹縣令宣州漂水  
令歿于官舍明年某月某日歸葬于華州  
下邳縣某鄉某原享年若干烏虜公爲人

季康本  
死之

宿作泗

王家至  
或美或

鑿作  
衣

札作札

溫恭信厚為官貞白嚴重友于兄弟慈于  
 子姪鄉黨推其行交遊讓其才自尉下邳  
 至宰漂水皆以潔廉通濟見知於郡守流  
 譽於朋寮才不偶時道屈於位而徒勞於  
 州縣竟不致於青雲命矣夫哀哉公前夫  
 人河東薛氏先公若干年而歿生二子一  
 女女號鑿虛未笄出家長子某杭州於潛  
 尉次子某睦州遂安尉後夫人高陽敬氏  
 父諱某某官生一子二女女皆早夭子曰

白作明

先自光

睦作陸

敏進士出身前試大理評事歷河東鄭  
 滑邠寧三府掌記夫人在室以孝敬奉親  
 為淑女既嫁以柔和從夫為順婦及主家  
 以慈正訓子為賢母故敏中遵其教飭其  
 身升名甲科歷聘公府以文行稱於眾以  
 祿養榮於親雖自有兼材然亦由夫人誨  
 導之所致也夫人以大和七年正月某日  
 寢疾終于下邳別墅享年若干明年某月  
 某日啓漂水府君薛夫人宅兆而合祔焉

明作躬

兼作資

某家本  
无之

禮也時諸子盡歿獨敏中號泣喪事託從  
祖兄居易誌于墓石銘曰  
繫我叔父漂水府君治本於家事施政於  
縣民繫我叔母高陽夫人德修於室家慶  
積於閨門訓著趨庭善彰卜鄰故其嗣子  
休有令聞

序洛詩

序洛詩樂天自叙在洛之樂詩也予歷覽  
古今詩自風騷之後蘇李以還次及鮑

言詩也注

詩家本  
自叙本

李白杜甫  
注

謝後迄于李杜輩其間詞人聞知者累百  
詩章流傳者鉅萬觀其所自多因讒寃  
逐征戍行旅凍餒病老存歿別離情發於  
中文形於外故憤憂怨傷之作通計今古  
什八九焉世所謂文士多數奇詩人尤命  
薄於斯見矣又有已知理安之世少離亂  
之時多亦明矣予不佞喜文嗜詩自幼及  
老著詩數千首以其多矣故章句在人口  
姓字落詩流雖才不逮古人所然作不啻

所家本  
元之

已作以

自叙本

吳作  
處



宋國村寄  
飲於風景  
琴酒故

數千首以其多矣作一數奇命薄之士亦  
有餘矣今壽過耳順幸無病苦官至三品  
免懼飢寒此一樂也大和二年詔授刑部  
侍郎明年病免歸洛旋授太子賓客分司  
東都居二年就領河南尹事又三年病免  
歸履道里第再授賓客分司自三年春至  
八年夏在洛凡五周歲作詩四百三十二  
首除喪朋哭子十數篇外其他皆寄懷於  
酒或取意於琴閑適有餘酣樂不暇苦詞

他作餘  
寄作叙

所以志樂  
也大凡詩  
之作也切於  
理者其詞卑  
也於意者其  
韻遠近在然  
別有妙音一  
句樂音道  
俗狂之謂安  
取世之意  
獨非立旨  
春秋年  
開成五年冬  
樂天白序  
子作九字

無一字憂歎無一聲豈牽強所能致耶蓋  
發中而形外耳斯樂也實本之於省分知  
足濟之以家給身閑文之以觴詠絃歌飾  
之以山水風月此而不適何往而適哉茲  
又以重吾樂也予嘗云治世之音安以樂  
閑居之詩泰以適苟非理世安得閑居故  
集洛詩別為序引不獨記東都履道里有  
閑居泰適之叟亦欲知皇唐大和歲有理  
世安樂之音集而序之以俟夫採詩者甲

亦有之  
事  
適  
治  
家本  
時有之

寅歲七月十日云爾

畫彌勒上生幀讚 并序

南贍部洲大唐國東都城長壽寺大苾芻  
道嵩存一惠恭等六十人與優婆塞士良  
惟儉等八十人以大和八年夏受八戒修  
十善設法供捨淨財畫兜率陀天宮彌勒  
上生內外衆一鋪眷屬圍繞相好莊嚴於  
是嵩等曲躬合掌焚香作禮發大誓願願  
生內宮劫劫生生親近供養按本經云可

以除九十億劫生死之罪也有彌勒弟子  
白樂天同是願遇是緣爾時稽首當來下

生慈氏世尊足下致敬無量而說讚曰

百四十心合爲一誠百四十口發同一聲  
仰慈氏形稱慈氏名願我來世一時上生

繡西方幀讚 并序

西方阿彌陀佛與閻浮提有願此土衆生  
與彼佛有緣故受一切苦者先念我名祈  
一切福者多圖我像至於應誠來感隨願

往生神速變通與三世十方諸佛不侔也  
噫佛無若干而願與緣有若干也有女弟  
乎弘農郡君姓楊號蓮花性發弘願捨淨  
財繡西方阿彌陀佛像及本國土眷屬一  
部奉為故李氏長姊楊夫人滅宿殃追冥  
祐也夫範銅設繪不若刺繡文之精勤也  
想形念號不若覩相好之親近也即造之  
者誠不得不著感不得不通受之者罪不  
得不滅福不得不集爾時蓮花性焚香合

掌跪唱贊云

金方刹

金色身

資聖力

福幽魂

造者誰

弘農君

受者誰

楊夫人

祭崔相公文

維大和六年歲次壬子十月庚申朔二十  
四日癸未中大夫守河南尹上柱國晉陽  
縣開國男食邑三百戶賜紫金魚袋白居易  
易謹以清酌庶羞之奠敬祭于故相國吏  
部尚書贈司空崔公敦詩惟公德望事業

半子

刺作婦

識度操履為時而生作國之紀巖廟匡輔  
藩部政治父母黎元股肱天子斯皆談在  
人口播於人耳今所叙者眷知而已於戲  
自古及今實重知音故詩美伐木易稱斷  
金始愚與公同入翰林因官識面因事知  
心獻納合章對揚聯襟以忠相勉以義相  
箴朝案同食夜床並衾綢繆五年情與時  
深及公登庸累分閩鎮愚亦去國出領符  
印徐宜遠部忠杭遐郡鴈去寄書潮來傳

廟作高

同作梅

傳作得

信無由會合祗望音問未卜後期但敦前  
分余大和之初連徵歸朝公分夏司愚貳  
秋曹玉德彌溫松心不凋南宮多暇屢接  
遊遨竹寺雪夜杏園花朝杜曲春晚潘亭  
月高前對青山後攜濁醪微之夢得慕巢  
師臯或徵雅言酣詠陶陶或命俗樂絲管  
嘈嘈藉草蔭松枕麴舖糟曾未周歲索然  
分鑣公又授鉞南撫荆蠻報政入覲復摠  
天官愚因謝病東歸澗瀍方從四皓旋守

期作朝  
余家本  
分作長

三川時蒙問訊日奉周旋豈無要約良有  
由緣洛城東隅履道西偏脩篁迴合流水  
潺湲與公居第門巷相連與公齒髮甲子  
同年兩心相期三逕之間優游攜手而終  
老焉嗚呼易失者時難枕者天既奪我志  
又殲我賢立園未歸館舍先捐百身莫贖  
一夢不還鬱鬱佳城茫茫九原淒涼簫鼓  
慘澹風烟祖真遲遲泣涕漣漣平生親友  
羅拜柩前賢人已矣天地蒼然嗚呼哀哉

時作

敦詩尚饗

祭崔常侍文

維大和九年歲次乙卯二月丙午朔七日  
壬子中大夫守太子賓客分司東都上柱  
國賜紫金魚袋白居易謹以清酌庶羞之  
真敬祭于故秘書監贈禮部尚書崔公惟  
公之世祿家行文華政事播於時論此不  
復云今但叙舊好寫衷誠而已嗚呼居易  
弟兄與公伯仲前後科第同登者四五辱

丙午景  
午子

酌庶羞

爲僚友三十餘年又膳部房與公同聲塵  
之遊定膠漆之分兩家不幸十年已來哀  
豐所鍾零落殆盡我老君病唯餘二人天  
不慙遺公又即世不登大位不享永年夙  
志莫伸幽憤何極居易方屬疾恙不遂執  
紼遣姪阿龜往展情禮此如不祭永痛奈  
何嗚呼重易平生知我寢門一慟可得而  
聞乎嗚呼重易平生嗜酒真筵一酌可得  
而歆乎嗚呼哀哉伏惟尚饗

聲作風

哀作哀

居易本

居易之

磐石銘 并序

大和九年夏有山客贈余磐石轉寘於履  
道里第時屬炎暑坐卧其上愛而銘之云  
爾

客從山來遺我磐石圓平膩滑廣袤六尺  
質凝雲白文拆煙碧莓苔有班麋鹿其跡  
置之竹下風掃露滴坐待禪僧眠留醉客  
清冷可愛支體甚適便是白家夏天牀席

東林寺白氏文集記

昔余爲江州司馬時常與廬山長老於東林寺經藏中披閱遠大師與諸文士唱和集卷時諸長老請余文集亦置經藏唯然心許他日致之迨茲餘二十年矣今余前後所著文大小合二千九百六十四首勒成六十卷編次既畢納于藏中且欲與二林結他生之緣復曩歲之志也故自忘其鄙拙焉仍請本寺長老及主藏僧依遠公文集例不借外客不出寺門幸甚大和九

年夏太子賓客晉陽縣開國男太原白居易樂天記

聖善寺白氏文集記

中大夫守太子少傅馮翊縣開國侯上柱國賜紫金魚袋太原白居易樂天與東都聖善寺鉢塔院故長老如滿太師有齋戒之因與今長老振大士爲香火之社樂夫曰吾老矣將尋前好且結後緣故以斯文寘于是院其集七卷六十五卷凡二千

二百五十五首題為白氏文集納於律疏  
庫樓仍請不出院門不借官客有好事者  
任就觀之開成元年閏五月十二日樂天  
記

看題文集石記因成四韻以美之

中散大夫守河南尹賜紫金魚袋李

紳

寄玉蓮花藏絨珠貝葉扁院閑容客讀講  
倦許僧聽部列雕金榜題存刻石銘永添

鴻寶集莫雜小乘經

唐銀青光祿大夫太子小保安定皇

甫公墓誌銘 并序

公姓皇甫諱鏞字蘇卿始封祖微子也周  
克殷封于宋九代至戴公戴公之子曰皇  
父因字命族為皇父氏至秦徙茂陵改父  
為甫及漢遷安定朝那其後為朝那人五  
代祖珍義資建二州刺史曾祖文房高陵  
令祖鄰幾贈汝州刺史考愉累贈尚書左



僕射太子太保妣洛陽賈氏贈姑臧郡太夫人公由進士出身補夏陽主簿試左武衛兵曹充宣歙觀察推官轉大理評事詔徵授監察御史改秘書郎殿中侍御史內供奉始賜朱紱銀印充鳳翔節度判官營田副使旋又徵還直拜殿內改比部員外郎河南令都官郎中河南少尹歷太子右庶子並分司東都俄又徵拜國子祭酒未幾謝疾改太子賓客轉秘書監分司又就

戶家本

玳 居 玳 友

拜檢校左散騎常侍兼太子賓客轉秘書監分司始加命服正三品又遷太子少保分司封安定縣開國男食邑三百戶始立家廟享三世公先娶博陵崔氏後娶范陽盧氏二夫人皆有淑德先公而歿有二子曰玳曰玳一女適太原王諲以開成元年七月十日寢疾薨于東都宣教里第享年七十七皇帝廢朝一日是歲十月三日用大葬之禮歸全于河陰縣廣武原從太保

戶家本

府君先塋以盧夫人合祔焉公自將仕郎  
累階至銀青光祿大夫自武騎尉累勲至  
上柱國自布衣而佩服金紫自旅食而廟  
饗祖考封爵被乎身襲贈及乎先官品蔭  
乎後大其門肥其家儒者之榮無闕焉皆  
求已稽古之力自致耳公爲人器宇甚弘  
衣冠甚偉寡言正色人望而敬之至於燕  
游觴詠之間則其貌溫然如春其心油然  
如雲也初元和中公始因郎官分司東洛

饗字

由是得伊嵩趣愜吏隱心故前後歷官八  
九凡二十有五年優游洛中無哂笑意忘  
喪窮達與道始終澹然不動其心以至于  
考終命聞者慕之謂爲達人當憲宗朝公  
之仲居相位操利權也從而附離者有之  
公獨超然雖貴介之勢不能及及仲之失  
寵得罪也從而緣坐者有之公獨皦然雖  
骨肉之親不能累識者心伏號爲偉人公  
好學善屬文尤工五言七言詩有集十八

喪字

考字

景字

貴字

卷又著性言十四篇居易辱與公遊迨二紀矣自左右庶子歷賓客訖于少保傳皆同官東朝分務東周在寮友間知聞最熟故得以寶錄誌而銘曰

賢哉少保令問令儀金璧其操鸞鳳其姿德如斯壽如斯位如斯嗚呼人爵天爵實兼有之廣武之原大河之湄龜告筮從吉土良時封于茲樹于茲嗚呼少保之墓百代可知

治作強

銘之有

風作皇

銘于茲有之

唐故銀青光祿大夫祕書監曲江縣開國伯贈禮部尚書范陽張公墓誌

銘 并序

公諱仲方字靖之其先范陽人晉司空茂先之後永嘉南遷始徙居于韶之曲江縣後嗣因家焉唐朝贈太常卿諱弘愈公之曾祖也嶺南節度使廣州刺史殿中監諱九臯公之王父也贈尚書右僕射諱抗公之皇考也贈潁川郡大夫人陳氏公之皇

妣也。都昌令仲端以下四人，公之兄也。監察御史仲孚以下二人，公之弟也。博陵郡夫人崔氏，公之夫人也。右清道率府曹曹景宣，進士茂玄，明經智周，公之子也。監察御史裏行楊澥，校書郎陸賓虞，公之壻也。公即僕射府君第五子。貞元中，進士舉及第，博學選登科，初補集賢殿校書郎，丁內憂，喪除復補正字，選授咸陽尉，鄜坊節度使辟為判官，奏授監察御史裏行，俄而真

曹家本

客家本

鄜音文

拜歷殿中，轉侍御史，倉部員外郎，金州刺史，度支郎中，駁宰相事，議出為遂州司馬，移復州司馬，俄遷刺史，改曹州刺史，河南少尹，鄭州刺史，入為諫議大夫，福建觀察使兼御史中丞，徵還為太子賓客，再為左散騎常侍，京兆尹，華州刺史兼御史大夫，祕書監，勳至上柱國，階至銀青光祿大夫，封至曲江縣開國伯，食邑七百戶，開成二年四月某日薨于上都新昌里第，詔贈

事作謚

入家本

再自之

七元之

詔家本

禮部尚書以其年八月某日歸葬于河南  
府某縣某鄉某原祔僕射府君之封域焉  
公幼好學長善屬文俯取科第如拾地芥  
著文集三十卷藏於家纂制詔一百卷行  
於代尤工五言章句詩家流稱之嘗撰先  
僕射府君神道碑及丞相文獻始興公廟  
碑由文得禮秉筆者許之文獻始興公九  
齡即公之伯祖開元中以儒學詩賦獨步  
一時及輔弼明皇帝號爲賢相餘慶濟美  
宜在於公公沿其業襲其文而不嗣其位  
惜哉矧公爲人溫良冲淡恬然有君子德  
立朝清直貞諒肅然有正人風在官寬重  
易簡綽然有長吏體爲子弟孝敬爲伯父  
慈和與朋友信寵辱不驚其心喜愠不形  
於色入仕四十載歷官二十五享年七十  
二才如是祿如是壽如是宜哉居易與公  
少同官老同游交心慕德久而彌篤故景  
宣等以論撰先德見託爲文式序且銘勒

于墓石銘曰  
在唐張氏世為儒宗文獻既沒鬱生我公  
我公泯泯學奧詞雄緣情體物有文獻風  
慶襲于家道積厥躬駿足逸翮天驥冥鴻  
始自茲仕迄于達官六刺藩部再珥貂蟬  
大諫選重尹京才難賓于望苑寵在蓬山  
凡所踐歷皆有可觀終然允臧已矣歸全  
嗚呼洛郊北阡邛阜西原佳城一閉陵谷  
推遷所不泯者令名藹然

我公家本

開作開

齒落辭 并序

開成二年予春秋六十六瘠黑衰白老狀  
具矣而雙齒又墮慨然感歎者久之因為  
齒落辭以自廣其辭曰  
嗟嗟乎雙齒自吾有之爾俾爾嚼肉咀蔬  
銜盃漱水豐吾膚革滋吾血髓從幼逮老  
勤亦至矣幸有輔車非無斷喙胡然捨我  
一旦雙落齒雖無情吾豈無情老與齒別  
齒隨涕零我老日來爾去不迴嗟嗟乎雙

嗟二字

斷喙

亂莫如反  
殊五結反  
不安也

齒孰謂而來哉孰謂而去哉齒不能言請  
以意宣為君口中之物忽乎六十餘年昔  
君之壯也血剛齒堅今君之老矣血衰齒  
寒輔車斷喙日削月朘上參差而下飢餓  
曾何足以少安嘻君其聽哉女長辭姥臣  
老辭主髮衰辭頭葉枯辭樹物無細大功  
成者去君何嗟嗟獨不聞諸道經我身非  
我有也蓋天地之委形君何嗟嗟又不聞  
諸佛說是身如浮雲須臾變滅由是而言  
君何有焉所宜委百骸而順萬化胡為乎  
嗟嗟於一牙一齒之間吾應曰吾過矣爾  
之言然

醉吟先生傳

醉吟先生者忘其姓字鄉里官爵忽忽不  
知吾為誰也宦遊三十載將老退居洛下  
所居有池五六畝竹數千竿喬木數十株  
臺榭舟橋具體而微先生安焉家雖貧不  
至寒餒年雖老未及耄性嗜酒耽琴淫詩

四作冊  
柳下亭  
氏首之

或本自居  
子川終句  
三帝

凡酒徒琴侶詩客多與之游游之外棲心  
釋氏通學小中大乘法與嵩山僧如滿為  
空門友平泉客韋楚為山水友彭城劉夢  
得為詩友安定皇甫朗之為酒友每一相  
見欣然忘歸洛城內外六七十里間凡觀  
寺丘壑有泉石花竹者靡不游人家有美  
酒鳴琴者靡不過有圖書歌舞者靡不觀  
自居守洛川泉布衣家以宴遊召者亦時  
時往每良辰美景或雪朝月夕好事者相

徒侶  
元之  
子有之

見在過

泉  
泉  
及也

過必為之先拂酒壘次開篋詩酒既酣乃  
自援琴操宮聲弄秋思一遍若興發命家  
僮調法部絲竹合奏霓裳羽衣一曲若歡  
甚又命小妓歌楊柳枝新詞十數章放情  
自娛酩酊而後已往往乘興屨及鄰杖於  
鄉騎遊都邑肩舁適野舁中置一琴一枕  
陶謝詩數卷鼻竽左右懸雙酒壺尋水望  
山率情便去抱琴引酌興盡而返如此者  
凡十年其間日賦詩約千餘首日釀酒約

詩有之

感有之

清有之  
便作怪

首在節



數百斛而十年前後賦釀者不與焉妻孥  
弟姪慮其過也或譏之不應至于再三乃  
曰凡人之性鮮得中必有所偏好吾非中  
者也設不幸吾好利而貨殖焉以至于多  
藏潤屋買禍危身奈吾何設不幸吾好博  
奕一擲數萬傾財破產以至于妻子凍餓  
奈吾何設不幸吾好藥損衣削食鍊鉛燒  
汞以至于無所成有所誤奈吾何今吾幸  
不好彼而自適於盃觴諷詠之間放則放

水或作身  
水錄也

也  
有之  
矣  
元  
之

矣庸何傷乎不猶愈於好彼三者乎此劉  
伯倫所以聞婦言而不聽王無功所以遊  
醉鄉而不還也遂率子弟入酒房環釀甕  
箕踞仰面長吁太息曰吾生天地間才與  
行不逮於古人遠矣而富於黔婁壽於顏  
回飽於伯夷樂於榮啓期健於衛叔寶幸  
甚幸甚餘何求哉若捨吾所好何以送老  
因自吟詠懷詩云抱琴榮啓樂縱酒劉伶  
達放眼看青山任頭生白髮不知天地內

吁  
元  
之

更得幾年活從此到終身盡為閑日月吟  
罷自哂揭甕撥醅又引數盃兀然而醉既  
而醉復醒醒復吟吟復飲飲復醉醉吟相  
仍若循環然繇是得以夢身世雲富貴幕  
席天地瞬息百年陶陶然昏昏然不知老  
之將至古所謂得全於酒者故自號為醉  
吟先生于時開成三年先生之齒六十有  
七鬚盡白髮半禿齒雙缺而觴詠之興猶  
未衰願謂妻子云今之前吾適矣今之後

幕大席  
地家本  
有之

吾不自知其興何如

蘇州南禪院千佛堂轉輪經藏石記

千佛堂轉輪經藏者先是郡太守居易發  
心蜀沙門清閑矢謨具僧常敬弘正神益  
等僉功檀主鄧子成梁華等施財院僧法  
弘惠滿契元惠雅等藏事大和二年秋作  
開成元年春成堂之費計緡萬藏與經之  
費計緡三千六百堂之中上蓋下藏蓋之  
間輪九層佛千龕彩繪金碧以為飾環蓋

檀下高  
或有之

唐錄青光  
亦大文錄輪  
引至此詩  
指本元  
誤謬也謬也  
傳以藏陳  
七德之陳  
十杜類  
亦言非之  
備也

南園詩提更  
小象經九八  
力四子夾按唐  
開元經錄五此  
經藏同於前  
入教二十之一

懸鏡六十有二藏八面面二門丹漆銅錯  
以為固環藏數座六十有四藏之內轉以  
輪止以椀經函二百五十有六經卷五千  
五十有八藏成經具之明年蘇之緇白徒  
聚謀曰今功德如是誰其尸之宜請有福  
智僧越之妙喜寺長老元遂禪師為之主  
宜請初發心人前本部守自少傳為之記  
僉曰然師既來教行如流僧至如歸供施  
達嚬隨目而集堂有羨食路無飢僧游者

部作郡

路作啓

既而下字  
作乱半可考

提推鐘若伽  
德偈半

學者得以安給惠利饒益不可思量既而  
遂隨緣西去眾又請本郡乾元寺僧禪大  
德暉大師嗣之暉既至誦十二部經經聲  
洋洋充滿虛空上下近遠有情識者法音  
所及無不蒙福法力所攝鮮不歸心佻然  
異風一變至道所得功德不自覺知繇是  
而言是堂是藏是經之用信有以表旌覺  
路也脂轄法輪也示火宅長者子之便門  
也開毛道凡夫生之大寶也直其然乎又

法作福

明年院之僧徒三詣洛都請予為記夫記者不唯紀年月述作為亦在乎辨興廢示勸誡也我釋迦如來有言一切佛及一切法皆從經出然則法依於經經依於藏藏依於堂若堂壞則藏廢藏廢則經墜經墜則法隱法隱則無上之道幾乎息矣嗚呼凡我國土宰官支提上首暨摩摩帝輩得不虔奉而護念之乎得不保持而增修之乎經有缺必補藏有隙必普堂有壞必支

若然者真佛弟子得福無量反是者非佛弟子得罪如律開成二年二月一日記

蘇州南禪院白氏文集記

唐馮翊縣開國侯太原白居易字樂天有文集七卷合六十七卷凡三千四百八十七首其間根源五常枝派六義恢王教而弘佛道者多則多矣然寓興放言緣情綺語者亦往往有之樂天佛弟子也備聞聖教深信因果懼結來業悟知前非故其集

家藏之外別錄二本一本寘于東都聖善寺鉢塔院律庫中一本寘于廬山東林寺經藏中一本寘于蘇州南禪院千佛堂內夫惟悉索弊文歸依三藏者其意云何且

綺語之

之緣也

月二日

准辨序寫也

右金吾校尉豐厚奉重

貞永元年閏九月十七日

日十月廿六日一校

日十一月十九日季點

嘉禎二年四月廿日比校唐本記

建長四年二月十八日傳下貴所之御本重校點

白氏文集卷第六十一

白氏文集卷第六十二

律詩 凡四十七首

詠興五首 并序

七年四月予罷河南府歸履道第廬舍自給衣儲自充無欲無營或歌或舞頽然自適蓋河洛間一幸人也遇興發詠偶成五章各以首句命為題目

解印出公府

解印出公府斗藪塵土衣百吏放爾散雙

經元之內作中

家藏之外別錄二本一本寘于東都聖善寺鉢塔院律庫中一本寘于廬山東林寺經藏中一本寘于蘇州南禪院千佛堂內夫惟悉索弊文歸依三藏者其意云何且有本願願以今生世俗文字放言綺語之因轉為將來世世讚佛乘轉法輪之緣也三寶在上實聞斯言開成四年二月二日

樂天記

白氏文集卷第六十一

白氏文集卷第六十二

律詩 凡四十七首

詠興五首 并序

七年四月予罷河南府歸履道第廬舍自給衣儲自充無欲無營或歌或舞頽然自適蓋河洛間一幸人也遇興發詠偶成五章各以首句命為題目

解印出公府

解印出公府斗藪塵土衣百吏放爾散雙

經元之內作中

鶴隨我歸歸來履道宅下馬入柴扉馬嘶  
返舊櫪鶴舞還故池雞犬何忻忻鄰里亦  
依依年顏老去日生計勝前時有帛禦冬  
寒有穀防歲飢飽於東方朔樂於榮啓期  
人生且如此此外吾不知

出府歸吾廬

出府歸吾廬靜然安且逸更無客干謁時  
有僧問疾家僮十餘人櫪馬三四匹慵發  
經旬卧興來連日出出游愛何處嵩碧伊

瑟瑟况有清和天正當踈散日身閑自爲  
賈何必居榮秩心足即非貧豈唯金滿室  
吾觀權勢者若以身徇物炙手外炎炎履  
冰中慄慄朝飢口忘味夕惕心憂失但有  
富貴名而無富貴實

池上有小舟

池上有小舟舟中有胡床床前有新酒獨  
酌還獨嘗薰若春日氣皎如秋水光可洗  
機巧心可蕩塵垢腸岸曲舟行遲一曲進

一觴未<sub>レ</sub>知幾<sub>レ</sub>曲醉<sub>レ</sub>醉入<sub>レ</sub>無何鄉<sub>レ</sub>寅<sub>レ</sub>綠潭<sub>レ</sub>鳥  
間<sub>レ</sub>水竹深<sub>レ</sub>青蒼身<sub>レ</sub>閑心<sub>レ</sub>無事白日<sub>レ</sub>爲我長  
我若未<sub>レ</sub>忘世<sub>レ</sub>雖閑心<sub>レ</sub>亦忙世若未<sub>レ</sub>忘我雖  
退身難<sub>レ</sub>藏我今異<sub>レ</sub>於是身世<sub>レ</sub>交相忘

四月池水滿

四月池水滿龜游魚躍出吾亦愛吾池池  
邊開一室人魚雖異族其樂歸於一旦與  
爾爲徒逍遙同過日爾無羨滄海蒲藻可  
委質吾亦忘青雲衡茅足容膝况吾與爾  
輩本非蛟龍正假如雲雨來祇是池中物

小庭亦有月

小庭亦有月小院亦有花可憐好風景不  
解嫌貧家菱角執笙簧谷兒妹琵琶紅綃  
信手舞紫綃隨意歌村歌與社舞客晒主  
人誇但問樂不樂豈在鍾鼓多客告暮將  
歸主稱日未斜請客稍深酌願見朱顏酡  
客知主意厚分數隨口加堂上燭未秉座  
中冠已<sub>レ</sub>栽左顧短紅袖右命小青娥長跪



謝貴客蓬門勞見過客散有餘興醉卧獨  
吟哦幕天而席地誰奈劉伶何

再授賓客分司

優穩四皓官清崇三品列伊予再塵忝內  
愧非才招俸錢七八萬給受無虛月分命  
在東司又不勞朝謁既資閑養疾亦賴慵  
藏拙賓友得從容琴觴恣怡悅乘籃城外  
去繫馬花前歇六遊金谷春五看龍門雪  
吾若默無語安知吾快活吾欲更盡言復  
恐个豪奪應爲時所笑苦惜分司闕但問  
適意無豈論官冷熱

把酒

把酒仰問天古今誰不死所貴未死間少  
憂多歡喜窮通諒在天憂喜即由己是故  
達道人去彼而取此勿言未富貴久忝居  
祿仕借問宗族間幾人拖金紫勿憂漸衰  
老且喜加年紀試數班行中幾人及暮齒  
朝餐不過飽五鼎徒爲爾夕寢止求安一

衾而已矣此外皆長物於我雲相似有子  
不留金何況兼無子

首夏

林靜蚊未生池靜蛙未鳴景長天氣好竟  
日和且清春禽餘哢在夏木新陰成兀爾  
水邊坐脩然橋上行自問一何適身閑官  
不輕料錢隨月用生計逐日營食飽慙伯  
夷酒足愧淵明壽倍顏氏子富百黔婁生  
有一即爲樂況吾四者并所以私自慰雖

老有心情

代鶴

我本海上鶴偶逢江南客感君一顧恩同  
來洛陽陌洛陽寡族類皎皎唯兩翼貌是  
天與高色非日浴白主人誠可戀其奈軒  
庭窄飲啄雜雞群年深損標格故鄉渺何  
處雲水重重隔誰念深籠中七換摩天翻  
立秋夕有懷夢得  
露簾荻竹清風扇蒲葵輕一與故人別再

見新蟬鳴是夕涼  
颯起閑境入幽情  
迴燈見棲鶴隔竹聞  
吹笙夜茶一兩杓  
秋吟三數聲  
所思渺千里雲外長洲城

哭崔常侍晦叔

頑賤一拳石精珍百鍊金  
名價既相遠交分何其深  
中誠一以合外物不能侵  
逶迤二十年與世同浮沉  
晚有退閑約白首歸雲林  
垂老忽相失悲哉口語心  
春日嵩高陽秋夜清洛  
陰立園共誰卜山水共誰尋

風月共誰賞詩篇共誰吟  
花開共誰看酒熟共誰斟  
惠死莊杜口鐘歿師廢琴  
道理使之然從古非獨今  
吾道自此孤我情安可在  
唯將病眼淚一灑秋風襟

新秋晚興

濁暑忽已退清宵未全長  
晨釭耿殘焰宿閣凝微香  
喔喔雞下樹輝輝日上梁  
枕亅茵席軟卧穩身入牀  
睡足景猶早起初風乍涼  
展張小屏障收拾生衣裳  
還有惆悵

事遲遲未能忘拂鏡梳白髮可憐冰照霜

秋日與張賓客舒著作同遊龍門醉

中狂歌凡百三十八字

秋天高高秋光清秋風嫋嫋秋蟲鳴嵩峯

餘霞錦綺卷伊水細浪鱗甲生洛陽閑客

知無數少出遊山多在城商嶺老人自追

逐蓬丘逸士相逢迎南出鼎門十八里在

店邈迤橋道平不寒不熱好時節鞍馬穩

快衣衫輕並轡踟躕下西岸扣船容與遶

中汀開懷曠達無所繫觸目勝絕不可名

荷衰欲黃荇猶綠魚樂自躍鷗不驚翠藻

蔓長孔雀尾彩船櫓急寒鴈聲家醞一壺

白玉液野花數把黃金英晝遊四看西日

暮夜話三及東方明暫停盃觴輟吟詠我

有狂言君試聽丈夫一生有二志兼濟獨

善難得并不能救療生民病即須先濯塵

土纓况吾頭白眼已暗終日戚促何所成

不如展眉開口笑龍門醉卧香山行

履信池櫻桃島上醉後走筆送別舒  
負外兼寄宗正李卿考功崔郎中

櫻桃島前春去春花萬枝忽憶與宗卿閑  
飲日又憶與考功狂醉時歲晚無花空有  
葉風吹滿地乾重疊踏葉悲秋復憶春池  
邊樹下重殷勤今朝一酌臨寒水此地三  
迴別故人櫻桃花來春千萬朶來春共誰  
花下坐不論崔李上青雲明日舒三亦拋  
我

秋池獨汎

蕭疎秋竹籬清淺秋風池一隻短舴艋一  
張班鹿皮皮上有野叟手中持酒卮半酣  
箕踞坐自問身為誰嚴子垂釣日蘇門長  
嘯時悠然意自得意外何人知

冬日早起閑詠

水塘耀初旭風竹飄餘霰幽境雖目前不  
因閑不見晨起對爐香道經尋兩卷晚坐  
拂琴塵秋忍彈一遍此外更無事開樽時

自勸何必東風來一盃春上面

歲暮

慘澹歲云暮窮陰動經旬霜風裂人面冰  
雪摧車輪而我當是時獨不知苦辛晨炊  
廩有米夕爨厨有薪夾帽長覆耳重裘寬  
裹身加之一盃酒煦嫗如陽春洛城士與  
庶比屋多飢貧何處爐有火誰家甑無塵  
如我飽煖者百人無一人安得不慙愧放  
歌聊自陳

南池早春有懷

朝遊北橋上晚憩南塘畔西日雪全銷東  
風冰盡泮蓊蓊魚尾掉瞥瞥鵝毛換泥暖  
草芽生沙虛泉脉散晴芳冒苔鳥宿潤侵  
蒲岸洛下日初長江南春欲半時光共拋  
擲人事堪嗟歎倚棹忽尋思去年池上伴

古意

脉脉復脉脉美人千里隔不見來幾時瑤  
草三四碧玉琴聲悄悄鸞鏡塵冪冪昔爲

連理枝今作分飛翻寄書多不達加飯終  
無益心腸不自寬衣帶何由窄

山遊示小妓

雙鬟垂未合三十纔過半本是綺羅人今  
爲山水伴春泉共揮弄好樹同攀翫笑容  
花底迷酒思風前亂紅凝舞袖急黛慘歌  
聲緩莫唱楊柳枝無腸與君斷

神照禪師同宿

介年二月晦山梨花滿枝龍門水西寺夜

與遠公期宴坐自相對密語誰得知前後  
際斷處一念不生時

張常侍相訪

西亭晚寂寞鸞散柳陰繁水戶簾不卷風  
牀席自翻忽聞車馬客來訪蓬蒿門况是  
張常侍安得不開樽

早夏遊宴

雖慵興猶在雖老心猶健昨日山水遊今  
朝花酒宴山榴艷似火玉葉飄如霰榮樂

逐瞬遷炎涼，隨刻變未收。木絲褥已動，蒲葵扇且喜。物與人年年得相見。

感白蓮花

白白芙蓉花，本生吳江濱。不與紅者雜，色類自區分。誰移爾至此，姑蘇白使君。初來苦顛顛，久乃芳氛氲。月月葉換葉，年年根生根。陳根與故葉，銷化成泥塵。化者日已遠，來者日復新。一為池中物，永別江南春。忽想西涼州，中有天寶民。埋歿漢父祖，孽

生胡子孫，已忘鄉土戀。豈念君親恩，生人尚復爾。草木何足云。

詠所樂

獸樂在山谷，魚樂在陂池。蟲樂在深草，鳥樂在高枝。所樂雖不同，同歸適其宜。不以彼易此，况論是與非。而我何所樂，所樂在分司。分司有何樂，樂哉人不知。官優有祿料，職散無羈縻。懶與道相近，鈍將閑自隨。昨朝拜表迴，今晚行香歸。歸來北窗下，解



巾脫塵衣冷泉灌我頂暖水濯四支體中  
幸無疾卧任清風吹心中又無事坐任白  
日移或開書一篇或引酒一卮但得如今  
日終身無厭時

思舊

閑日一思舊舊遊如目前再思今何在零  
落歸下泉退之服流黃一病訖不痊微之  
鍊秋石未老身溘然杜子得丹訣終日斷  
腥羶崔君誇藥力經冬不衣絛或疾或暴

天悉不過中年唯予不服食老命反遲延  
况在少壯時亦爲嗜欲牽但耽葷與血不  
識汞與鉛飢來吞熟麵渴來飲寒泉詩役  
五藏神酒汨三丹田隨日合破壞至今粗  
完全齒牙未缺落支體尚輕便已開第七  
袂飽食仍安眠且進盃中物其餘皆付天

寄盧少卿

老誨心不亂莊誠形太勞生命既能保死  
籍亦可逃嘉肴與旨酒信是腐腸膏艷聲

與麗色真爲伐性刀補養在積功如裘集  
衆毛將欲致千里可得差一毫顏回何爲  
者葷瓢纔自給肥醲不到口年不登三十  
張倉何爲者染愛浩無際妾媵填後房竟  
壽百餘歲倉壽有何德回夭有何辜誰謂  
具聖體不如肥瓠軀遂使世俗心多疑仙  
道書寄問盧先生此理當何如

池上清晨候皇甫郎中

曉景麗未熟晨飆鮮且涼池幽綠蘋合霜  
潔白蓮香深掃竹間逕靜拂松下牀平柄  
鶴翎扇銀鬕雲母漿屏除無俗物瞻望唯  
清光何人擬相訪羸女從蕭郎

詠懷

我知世無幻了無干世意世知我無堪亦  
無責我事由茲兩相忘因得長自遂自遂  
意何如閑官在閑地閑地唯東都東都少  
名利閑官是賓客賓客無牽累愁康日日  
懶畢卓時時醉酒肆夜深歸僧房日高睡

形安不勞苦神泰無憂畏從官三十年無  
如今氣味鴻雖脫羅弋鶴尚居祿位唯此  
未忘懷有時猶內愧

北窻三友

今日北窻下自問何所爲欣然得三友三  
友者爲誰琴罷輒舉酒酒罷輒吟詩三友  
遞相引循環無已時一彈一愜中心一詠暢  
四支猶恐中有間以醉彌縫之豈獨吾拙  
好古人多若斯嗜詩有淵明嗜琴有啓期

嗜酒有伯倫三人皆我師或乏擔右儲或  
穿帶索衣絃歌復觴詠樂道知所歸三師  
去已遠高風不可追三友游甚熟無日不  
相隨左擲白玉卮右拂黃金徽興酣不疊  
帟走筆操狂詞誰能持此詞爲我謝親知  
縱未以爲是豈以我爲非

吟四雖

雜言

酒酣後歌歇時請君添一酌聽我吟四雖  
年雖老猶少於韋長史命雖薄猶勝於鄭

長水眼雖病猶明於徐郎中家雖貧猶富  
於郭庶子省躬審分何僥倖值酒逢歌且  
歡喜忘榮知足委天和亦應得盡生生理  
裴侍中晉公以集賢林亭即事詩二  
十六韻見贈猥蒙徵和才拙詞繁輒  
廣為五百言以伸酬獻

地

三江路萬里五湖天一涯何如集賢第中  
有平津池池勝主先覺景新人未知竹森  
翠琅玕水深洞琉璃水竹以為質質立而

文隨文之者何人公來親指麾疏鑿出人  
意結構得地宜靈襟一搜索勝槩無遁遺  
因下張沼沚依高築階基嵩峯見數片伊  
水分一枝南溪脩且直長波碧逶迤北館  
壯復麗倒影紅參差東島號晨光景曜迎  
朝曦西嶺名夕陽杳曠留落暉前有水心  
亭動蕩架漣漪後有開闔堂寒溫變天時  
幽泉鏡泓澄恠石山欹危春葩雪漠漠夏  
果珠離離主人命方舟宛在水中坻親賓

泉

次第至酒樂前後施解纜始登汎山遊仍  
水嬉沿洄無滯礙向背窮幽奇瞥過遠橋  
下飄旋深澗陞管絃去縹緲羅綺來霏微  
棹風逐舞迴梁塵隨歌飛宴餘日云暮醉  
客未放歸高聲索彩牋大笑催金卮唱和  
筆走疾問答盃行遲一詠清兩耳一酣暢  
四支主客忘貴賤不知俱是誰客有詩魔  
者吟哦不知疲乞公殘紙墨一掃狂歌詞  
維云社稷臣赫赫文武姿十授丞相印五

建大將旗四朝致勛華一身冠臯夔去年  
才七十決赴懸車期公志不可奪君恩亦  
難違從容就中道俛俛來保釐貂蟬雖未  
脫鸞鳳已不羈歷徵今與古獨步無等夷  
陸賈功業少二疏官秩卑乘舟范蠡懼辟  
穀留侯飢豈若公今日身安家國肥羊祜  
在漢南空留峴首碑柳惲在江南祗賦汀  
洲詩謝安入東山但說攜蛾眉山簡醉高  
陽唯聞倒接鬮豈如公今日餘力兼有之

願公壽如山安樂長在茲願我比蒲稗永  
得相因依

晚歸香山寺因詠所懷

我年日已老我身日已閑閑出都門望但  
見水與山關塞碧巖巖伊流清潺潺中有  
古精舍軒戶無扃關岸草歇可籍逕蘿行  
可攀朝隨浮雲出夕與飛鳥還吾道本迂  
拙世途多險艱嘗聞嵇呂輩尤悔生踈頑  
巢悟入箕顛皓知返商顏豈唯樂肥遁聊  
復祛憂患吾亦從此去終老伊嵩間

張常侍池涼夜閑讌贈諸公

竹橋新月上水岸涼風至對月五六人管  
絃三兩事留連池上酌欵曲城外意或嘯  
或謳吟誰知此閑味迴看市朝客矻矻趨  
名利朝忙少遊宴夕困多眠睡清涼屬吾  
徒相逢勿辭醉

和皇甫郎中秋曉同登天宮閣言懷  
六韻

碧夫忽已高，白日猶未短。玲瓏曉樓閣，清  
脆秋絲管。張翰一盃酣，嵇康終日懶。塵中  
足憂累，雲外多踈散。病木斧斤遺，冥鴻羈  
絆斷。逍遙二三子，永願爲閑伴。

送呂漳州

今朝一壺酒，言送漳州牧。半自要閑遊，愛  
花憐草綠。花前下鞍馬，草上攜絲竹。行客  
飲數盃，主人歌一曲。端居惜風景，屢出勞  
僮僕。獨醉似無名，借君作題目。

短歌行

世人求富貴，多爲身嗜欲。盛衰不自由，得  
失常相逐。問君少年日，苦學將干祿。負笈  
塵中遊，抱書雪前宿。布衾不周體，藜藿纔  
充腹。三十登宦途，五十被朝服。奴溫已挾  
纊，馬肥初食粟。未敢議歡遊，尚爲名檢束。  
耳目聾暗，後堂上調絲竹。牙齒缺落，時盤  
中堆酒肉。彼來此已去，外餘中不足。少壯  
與榮華，相避如寒燠。青雲去地遠，白日終

天速從舌無奈何短歌聽一曲

詠懷

高人樂丘園中人慕官職一事尚難成兩  
途安可得遑遑干世者多苦時命塞亦有  
愛閑人又爲窮餓逼我今幸雙遂祿仕兼  
游息未嘗羨榮華不省勞心力妻孥與婢  
僕亦免愁衣食所以吾一家面無憂喜色

府西亭納涼歸

避暑府西亭晚歸有閑心夏淺蟬未多綠

槐陰滿地帶寬衫解領馬穩人攏轡面上  
有涼風眼前無俗事路經府門過落日照  
官次牽聯縲紲囚奔走塵埃吏但眉梢不  
語誰復知茲意憶得五年前晚衙時氣味

老熱

一飽百情足一酣萬事休何人不衰老我  
老心無憂仕者拘職役農者勞田疇何人  
不苦熱我熱身自由卧風北窓下坐月南  
池頭腦涼脫烏帽足熱濯清流慵發晝高



枕興來夜汎舟何乃有餘適祇緣無過求  
或問諸親友樂天是與不亦無別言語多  
道天悠悠悠悠君不知此味深且幽但恐  
君知後亦來從我遊

新秋喜涼因寄兵部楊侍郎

外強火未退中銳金方戰一夕風雨來炎  
涼隨數變徐徐炎景度稍稍涼颯扇枕簟  
忽淒清巾裳亦輕健老夫納秋候心體殊  
安便睡足一屈伸搔首摩挲面褰簾對池  
竹幽寂如僧院俯觀游魚群仰數浮雲片  
閑忙各有趣彼此寧相見昨日聞鷦鷯召  
對延英殿

懶放二首呈劉夢得吳方之

青衣報平旦呼我起盥櫛今早天氣寒郎  
君應不出又無賓客至何以銷閑日已向  
微陽前暖酒開詩袂

又一首

朝憐一牀日暮愛一爐火床暖日高眠爐

溫夜深坐雀羅門懶出鶴髮頭慵裹除却  
劉與吳何人來問我

六十六

病知心力減老覺光陰速五十八歸來今  
年六十六鬢絲千萬白池草八九綠童稚  
盡成入園林半喬木看山倚高石引水穿  
深竹雖有潺湲聲至今聽未足

三適贈道友

褐綾袍厚暖卧蓋行坐披紫氈履寬穩  
步頗相宜足適已忘履身適已忘衣况我  
心又適兼忘是與非三適合爲一怡怡復  
熙熙禪那不動處混沌未鑿時此固不可  
說爲君強言之

洛陽春贈劉李二賓客 齊梁格

水南冠蓋地城東桃李園雪銷洛陽堰春  
入永通門淑景方靄靄遊人稍喧喧年豐  
酒漿賤日晏歌吹繁中有老朝客華髮映  
朱軒從容三兩人籍草開一樽樽前春可

惜身外事勿論明日期何處杏花遊趙村

寒食

人老何所樂樂在歸鄉國我歸故園來九  
度逢寒食故園在何處池館東城側四鄰  
梨花時二月伊水色豈獨好風土仍多舊  
親戚出去恣歡遊歸來聊燕息有官供祿  
俸無事勞心力但恐優穩多微躬銷不得  
和裴令公一日日一年年雜言見贈  
一日日作老翁一年年過春風公心不以

貴隔我我散唯將閑伴公我無才能忝高  
秩合是人間閑散物公有功德在生民何  
因得作自由身前日魏王潭上宴連夜今  
日午橋池頭遊拂晨山客硯前吟待月野  
人樽前醉送春不敢與公閑中爭第一亦  
應占得第二第三人



